
Fra: Kjartan Nyhammer
Sendt: onsdag 1. juni 2016 14.03
Til: Kristin Schübeler Nielsen
Kopi: Inger Opheim Hindenes
Emne: Uttale gang- og sykkelveg fv57 Hellestveit

Hei,

Eg har visst ein veg å gå før eg er utlært i websak.....Prøvde å få sendt deg dette som eit N-notat, men det vart berre krøll ☺ Såg ut for at eg skulle sende det til meg sjølv.

Sender uttale her pr mail :

Emne: Uttale knytt til landbruksareal ved Hellestveit - Fv 57 Lindås tettstad - Mongstad

Garden og drifta

Den aktuelle garden ved Hellestveit er gbnr 122/2. Ifølgje Gardskartet til Nibio så er garden på totalt 252 dekar. Av dette er heile 83 dekar full- og overflatedyrka mark og 117 dekar innmarksbeite. Vidare er det 32 dekar produktiv skog. Resten er anna utmark og tunskipnad.

Det er sau- og storfehold på garden.

I grove trekk er tunskipnaden avdelt frå dei mest verdifulle jordbrukareala på garden med fv 57.

Eigar og bonde Jostein Hellestveit har dyrka opp mykje av areala på sørsida av vegen til fulldyrka areal.

Det er jordbruksarealet som har verdi for fellesskapet, både gjennom matproduksjon og vakkert kulturlandskap. Skogsareal kan lettare erstattast med nytt areal om det er ynskjeleg.

Areal

Areala på sørsida av vegen er eit stort og samanhengande jordbruksareal som er eigna til maskinell hausting. Det vil vere eit attraktivt areal til grasproduksjon uavhengig av drifta på garden Hellestveit. Det vil også vere attraktivt som tilleggsareal for andre bruk i aktiv drift. Totalt jordbruksareal på sørsida av fv 57 er 78 dekar full- og overflatedyrka mark og 93 dekar beite.

Jordbruksarealet på nordsida av fv 57 ligg rundt tunet og består i stor grad av 23 dekar innmarksbeite og to små teigar fulldyrka mark på totalt ca 5 dekar fulldyrka. Slåttemarka her har krevjande arrondering.

Legg ein gang- og sykkelvegen på sørsida av fv 57 vil det gå med ein strekning på 440 meter med jordbruksareal. På nordsida vil ein råka ca 90 meter strekning med jordbruksareal. Seier ein at det går med 10 meter breidde vert det 4400 m² i alternativet på sørsida av fv 57 og 450 m² på nordsida.

Driftsbygningen

Driftsbygningen er samansett av ein eldre og ein yngre del. Den yngste delen er frå tidleg på 1980 – talet og sett opp for mjølkeproduksjon og ungdyr. Det vart samstundes sett opp silobygg tilknytta driftsbygningen.

Driftsbygningen ligg tett i fv 57 med dei utfordringar det medfører. Handtering av husdyrgjødsel er ei av dei.

Driftsmessige og trafikale ulemper

Det å ha fjøsen og siloane på eine sida av fv 57 og slåttemarka på andre sida er krevjande. Både for drifta på garden, men også for trafikksikkerheten. Det er mykje kryssing av vegen med innhausta gras eine vegen og husdyrgjødsel andre vegen.

Konklusjon

Det vil gå tapt mest matjord, både i areal og kvalitet, ved å leggja gang- og sykkelvegen på sørsida av fv 57. Slik landbruksavdelinga ser det så vil den beste løysinga i sum vere å leggje gang- og sykkelvegen på nordsida av fv 57.

Hadde ein samstundes kome til ei løysing rundt eksisterande driftsbygningen slik at det kunne byggast ein ny enkel driftsbygning på sørsida av fv 57 på same sida av vegen som storparten av slåttemark og beiter hadde det vore eit rett steg knytta til trafikksikring.

Vil samstundes minna om «gamlevegen» mellom Hope og Hellestveit som utgjer 550-600 meter. Her kan det vere mogeleg å spare anna areal ved å nytte denne til gang- og sykkelveg. Vidare vil ein minna om at ved å hogga delar av eit samanhengande granskogareal er faren stor for vindfall i restarealet.

Med helsing

Kjartan Nyhammer

Landbrukssjef
Lindås kommune
Tlf 56375345 / 95917471

